

Wassersegen

- fol. 79a Ain ander wassersegen (rot)
 Gesegnet seistu brunnen floß † als der
 wasper floß der vnserm heren ihesu cristo
 auß seiner rechten seiten floß in gotes
 namen Amen † Hie mit sal man wasser segen
 zu drey mal mit ainem † vnd sal das wasser
 drey mal zu den wunden werffen † In dem
 namen des vaters vnd des suns vnd des
 hailigen gaistes vnd sprich denn disen
 segen (rot) (79b) † Ich bevilch dich vn-
 serem herren ihesu cristo vermaledichte
 wund bei den heiligen Worten vnd Kreften
 das du lassest dein fliessen sein das du
 lassest dein riessen sein das du lassest
 dein sweren sein das du lassest dein ge-
swellen sein alle vnkeuschait müsse dich
 vor meiden es seint spinnen oder fliegen
 oder ander vngenannt würme müssen gen dir
 tod sein In gotes namen Amen (80a) Vnd
 wirff aber wasser in die wunden In dem
 namen des vaters des suns des hailigen
 gaistes † (rot) Unsers lieben hern haili-
 gen wunden heilten zu grunde Sie entrissen
 noch entflossen noch nie sie schwaren noch
 nie geswalen vnd nie gelügck kein vn-
 gluck zu † Also muß es dir auch wunden
 thun In gotes namen Amen
 vnd wirff aber wasser in die wunden †
 In dem (80b) Namen des vatters des suns
 vnd des heilig gaistes † (rot)
 Unsers hern hailigen funff wunden hailten
 zu grunde noch enflossen nie die swaren
 noch entswollen nie vnd nie kein ungeluck
schlagk zu den wunden Also musse auch dir
 wunden thun In gotes namen Amen
 vnd sprich V pater noster vnd V aue
 maria vnser hern leiden ~ (rot)